



5. Radunanza cumünela dals 4.10.2017 a las 20.00 in sela polivalenta S-chanf

Presidi: Gian Fadri Largiadèr

Actuar: Gian Luca Vitalini

Preschaints: Preschaints sun 78 votantas e votants

Büro electorel: Robert Angelini, Lilian Godly

Tractandas:

1. Orientaziun tres rapreschantants dal corp da guardgia da cunfin (CGCF) e dal departamaint federel da defaisa, protecziun da la populaziun e sport (DDPS) concernent il post da registraziun centrel CGCF per migrants a S-chanf
2. Protocol da la radunanza dals 28 gün 2017
3. Contrat traunter las OEE e la vschinauncha da S-chanf concernent imsüras substitutivas economicas in connex cul «Proget d'ün ulteriur fil da 380 kV Pradella – La Punt» – «Execuziun tecnica da las colliaziuns principelas e secundaras»* e contrat traunter la Corporaziun Energia Engiadina (CEE), la EE-Energia Engiadina (EE) e las vschinaunchas da S-chanf e Zernez concernent las imsüras substitutivas economicas in connex cul «Proget d'ün ulteriur fil da 380 kV Pradella – La Punt» „Transferimaint dals drets d'utilisaziun da la CEE vi dal bloc da büschens da cabels da las OEE“*
4. Implaut da tir Bos-chetta Plauna, credit frs. 1'750'000.00
5. Proget halla Bos-chetta Plauna, credit frs. 880'000.00
6. Maschina per laina arduonda, credit frs. 305'000.00
7. Cumischiun per revaisas da tschantamaints, ledschas ed uordens da la vschinauncha da S-chanf, novs commembers
8. Varia

La glista da tractandas vain approveda sainza objecziuns.

24 0.300 Pulizia d'esters
Orientaziuns tres rapreschantants dal corp da guardgia da cunfin (CGCF) e dal departamaint federel da defaisa, protecziun dala populaziun e sport (DDPS) concernent il post da registraziun centrel CGCF per migrants a S-chanf

Il president Gian Fadri Largiadèr, scu respunsabel per la sgürzezza, bivgnainta a tuottas vontantas e vontats da la vschniauncha da S-chanf e fo ün'introducziun e surdo il pled al schef dal stab colonel dal STG Herbert Urban. El spiegha cuort la situaziun e declera l' art. 26 davart la ledscha d'asil. Quella cuntogna l'utilisaziun per indriz e stabilimaints dal stedi per der alloggi a gliud chi tschertscha asil. Sar Herbert Urban surdo il pled a sar magiur Mario Fässler chi d'es respunsabel e uffizier per la planisaziun e'l servezzan pro la guardgia da cunfin regiun III. Magiur Mario Fässler declera cuort la situaziun generela in

Europa e disch che consequenzas chi do pel stedi svizzer. Zieva declera'l la basa e las incumbenzas cha la guardgia da cunfin ho regard ils asilants e l'infrastructura a S-chanf.

Protocol: Il protocol da la radunanza cumünela dals 28 .06.2017 vegn approvo.

25 0.209 Contrats e cunvegnas
Contrat traunter las OEE e la vschinauncha da S-chanf concernent imsüras substitutivas economicas in connex cul «Proget d'ün ulteriur fil da 380 kV Pradella – La Punt» – «Execuziun tecnica da las colliaziuns principelas e secundaras» e
Contrat traunter la Corporaziun Energia Engiadina (CEE), la EE-Energia Engiadina (EE) e las vschinaunchas da S-chanf e Zernez concernent las imsüras substitutivas economicas in connex cul «Proget d'ün ulteriur fil da 380 kV Pradella – La Punt» „Transferimaint dals drets d'utilisaziun da la CEE vi dal bloc da büschens da cabels da las OEE“

Sün incumbenza da la Swissgrid SA fabricaron las OEE üna nouva lingia da cabel da 110/16-kV traunter Pradella e Zuoz/Resgia. Fin cò d'eira la Repower AG la possessura da la rait da distribuziun locala. Nouv vuless la vschinauncha da S-chanf surpiglier la rait manzuneda. Impü es l'intenziun da la vschinauncha da tacher la rait vi d'üna nouva lingia da 16 kV traunter Zernez e S-chanf. Tela lingia vain fabricada da las OEE. Per pudair fer ils pass necessaris faun dabsögn contrats traunter las OEE e la vschinauncha da S-chanf. Ultra da que vain pussibilito a la vschinauncha da S-chanf d'integrer büschens da protecziun per cabels aint il bloc da büschens da cabels, e que a cundiziuns favuraivlas. Oget dal contrat traunter la CEE, la EE e las vschinaunchas da Zernez e S-chanf es il transferimaint da l'utilisaziun dals büschens da protecziun dals cabels. Zieva cha davart il president sun gnidas dedas tuottas spiegaziuns approva la radunanza cumünela unanim ils contrats traunter ils partieus.

26 3.400 Sport
Implaunt da tir Bos-chetta Plauna, credit frs. 1'750'000.00

Causa l'intenziun da fabricer ün implaunt da tir regiunel Bos-chetta Plauna zieva cha las lavuors per implir la deponia sun glivredas es gnieu abolieu l'an 2009 l'implaunt da tir local. l' fratemp s'haun exprimidas las vschinaunchas limitrofas cunter la realisaziun d'ün implaunt da tir regiunel. Zieva la radunanza cumünela dals 19 december 2016 ho la suprastanza cumünela fat elavurer il proget existent zieva avair consulto üna delegaziun da tregants. Il preschaint proget redimensiuno prevezza üna chamanna da tir cun local da l'uniun, ün implaunt da tir da 300 m cun 6 schaubgias, ün implaunt da tir in chesa da 10 meters e duos boxas a distanza cuorta. Ils cuosts da realisaziun s'amuntan a frs. 1'750'000.00. L'implaunt da tir planiso pudess in avegnir gnir ingrandieu cul sistem da moduls (50 meters, 25 meters, chamanna da tir 100 m). Zieva las spiegaziuns dals plans da l'implaunt da tir e zieva cuorta discussiun ho la radunanza cumünela decis cun 38 cunter 32 vuschs, da refüser la deliberaziun dal credit per l'implaunt da tir Bos-chetta Plauna da frs. 1'750'000.00.

27 8.100 Forestel
Proget halla Bos-chetta Plauna, credit frs. 880'000.00

Per pudair correspuonder eir in avegnir a las pretaisas dal marchio da laina e per pudair furnir laina d'ota qualited ho la vschinauncha daspö lönych l'intenziun da construir üna halla in Bos-chetta Plauna. l'plan d'investiziuns es gnieu piglio sü ün credit approximativ da frs. 450'000.00. Già düraunt chi s'ho scrit our las lavuors da proget es la suprastanza gnida aviseda dals architects invidos, cha per accumplir las pretaisas vi da la halla da deposit nu bastan ils mezs finanziaels. Il proget elavuro prevezza ün deposit per laina scu eir ün deposit per üsaglias pel servezzan d'inviern scu eir per sel e sablun. Il concept da cultivaziun e l'utilisaziun optimela dal lö vain cumpletto cun ün pruneder. La halla planiseda consista our da laina dal lö e vain fabrichedada sün üna soletta da betüm. Ils cuosts da tela in cumbinaziun cun l'acquist d'ün pruneder s'amuntan a frs. 770'000.00. Ils cuosts totels per la halla manzunada in colliaziun cun üna halla pel servezzan d'inviern vegnan a s'amunter a frs. 880'000.00. Francesco Pietrogiovanna il schef da la resgia S-chanf spiega sur dals avantags da la nouva halla ed infurmescha las votantas e'ls votants sur da la problematica momentana. Zieva cuorta discussiun decida la radunanza cumünela cun granda magiurited ed üna cuntravusch da deliberer il proget cumplet per la halla Bos-chetta Plauna ill'otezza da frs. 880'000.00.

28 8.100 Forestel
Maschina per laina arduonda cun halla, credit frs. 305'000.00

Quista prümavaira es gnida fatta üna spüerta a l'uffizi forestel e resgia S-chanf d'üna firma indigena per cumprer üna maschina per laina arduonda. Zieva cha sun gnieu fats püss sclarimaints e zieva ün'evaluaziun tres il silvicultur e specialists sun quels gnieu a la conclusiun ch'üna tela maschina pussibilitess ün'utilisaziun da sinergias ed ingrandiss la spüerta da la resgia. Cun l'acquist da la maschina per frs. 170'000.00 as surpigliess impü eir ils cliaints da bgers ans. l'ls cuosts manzunos survart sun integros la revisiun da la maschina scu eir la demontascha e montascha da tela. Impü es previs ün annex a la halla progetteda ill'otezza da frs. 135'000.00. Uschè s'amuntan ils cuosts totels a frs. 305'000.00. Francesco Pietrogiovanna explicha ils grands avantags in fuorma d'ün quint, e la pusibilited da guadagner tres la cumpra da la maschina üna piazza da lavur impü. Zieva cuorta discussiun decida la radunanza cumünela cun granda magiurited ed üna cuntravusch da deliberer il credit total a frs. 305'000.00

29 0.122 Cumischiuns
Cumischiun per la revisiun da tschantamaints, ledschas ed uordens da la vschinauncha da S-chanf, novs comembers

Per la lavur fich importanta da la cumischiun per revaisas da tschantamaints, ledschas ed uordens da la vschinauncha da S-chanf vegnan tscherchos duos fin trais commembers novs. Miss a disposiziun s'haun duonna Rita Melcher e sar Robert Thoma. La radunanza cumünela tscherna las duos persunas sainza cuntravusch.

30 9.999 Varia

Duonna Jnes Barblan commembra da la suprastanza cumünela ho infurmo la radunanza sur da sia demischiun. Il president spiega a las votantas ed als votants sur l'ulteriur proceder.

Il president infurmescha la radunanza cuort sur dal proget a regaurd da la rait da fibra e renda attent, cha per ulteriuras dumandas e per interessents d'abunamaints sto a dispusizun duonna Martina Hänzi da Mia Engiadina.

Il president serra la radunanza a las 22.10 ed ingrazcha a tuot ils preschaints per lur cumparsa.

In buna fè

Il president:

L'actuar:

G. Largiadèr

G. L. Vitalini